

四庫全書

經部

欽定四庫全書

春秋輯傳卷四

明王樵輯

閔公

元年春王正月

左傳不書即位亂故也

國亂不得成禮

公羊傳公何以不

言即位繼弑君不言即位

復發傳者嫌繼未踰年君義異故也

孰繼

弑弑不見

繼子般也孰弑子般慶父也殺公子牙令將爾

季子不免慶父弑君何以不誅將而不免遇惡也既而不可及因獄有所歸不探其情而誅焉親親之道也

也

獄有所歸謂罪歸鄧粍樂也此與左傳所載事異今從左傳

穀梁傳繼弑君

不言即位正也親之非父也

也兄

尊之非君也

未踰年也

繼

之如君父也者受國焉爾 趙氏曰公羊云慶父不誅因獄有所歸不探其情非也臣弑其君凡在官者殺無赦季子初至威令未著力不能爾非不討也

齊人殺邢

左傳狄人伐邢

在往年冬

管敬仲言于齊侯曰戎狄豺狼

不可厭也諸侯親暱

女一

不可棄也宴安酖毒不可

懷也詩云豈不懷歸畏此簡書

詩小雅美文王為西伯勞來諸侯之詩

簡書同惡相恤之謂也請救邢以從簡書齊人救邢

穀梁傳善救邢也

朱子曰齊桓公較正當只得

一番出伐

謂名陵之師

管仲亦不見出有事時只是遣人

出整頓春秋每稱齊人

夏六月辛酉葬我君莊公

左傳亂故是以緩 汪氏曰魯君之葬皆不過五月之期惟桓公見戕于齊九月而後葬昭公客死于外八月而後葬莊公之薨至是十有一月而始克葬蓋以國亂子弑嗣君幼弱危不得葬也

秋八月公及齊侯盟于落姑

落公穀作洛

左傳請復季友也齊侯許之使召諸陳公次于郎以待之 穀梁傳盟納季友也 杜氏曰落姑齊地

季子來歸

左傳嘉之也 穀梁傳其曰季子貴之也其曰來歸喜之也
陸氏曰季子之出不書者慶父之難季子力不能正違而
去之權也君立見召而來義也故聖人善其歸不譏其去以
明變而得中進退不違道也 問季友之為人朱子曰此人

亦多可疑諸家多言季友來歸為聖人美之之辭據某看
此一句正是聖人著季氏所以專國為禍之基又成風聞
季氏之繇乃事之左氏記此數句亦有說話成風沒巴鼻
事他則甚 按是時慶父最強莊公屬疾慶父遂有代立

之勢叔牙則顯謂莊公曰魯一生一及君已知之矣
以慶父之強而叔牙附之莊公拱手聽命于其手而
已俄而叔牙弑械已成或欲寄惡名於慶父而自取
之也季友得先事誅之而慶父不敢阻乃立子般慶
父弑子般而季友奔陳然慶父不能遂有魯國者國
人未之與也故如齊自托不擇立莊公諸子之長者
而立閔公一利其幼二亦以其齊之甥也哀姜通乎
慶父成風私事季友其事一也哀姜無子而欲立慶

父其名不順又弑閔公國人所不容故季友乘其後而定立僖之策所謂後出者勝也自是季氏得魯政而常為三桓先矣朱子謂春秋書季子來歸著季氏得政祿去公室之漸可謂深得聖人之微旨矣

冬齊仲孫來

左傳齊仲孫湫

湫字小反仲孫名

來省難書曰仲孫亦嘉之

也仲孫歸曰不去慶父魯難未已

時慶父亦還魯

公曰若之

何而去之對曰難不已將自斃君其待之公曰魯可

取乎對曰不可猶秉周禮周禮所以本也臣聞之國將亡本必先顛而後枝棄從之魯不棄周禮未可動也君其務寧魯難而親之親有禮因重固

有禮則國重有禮則

基固若是者不可動也故曰因重固間攜貳覆昏亂霸王之器也愚

按書來譏也仲孫之來覲魯也莊公薨子班弑閔公幼落姑之盟嘗請于齊借能復季子而已而慶父夫人之志未可知也桓公不能正憫然使人以覲魯曰是可取乎夫職為方伯義在以救災恤難討逆定亂

率諸侯而將固人之難以為利書來不書事所以病桓也然則仲孫不名其無貶乎或言湫知魯東周禮未可動勸桓公務寧魯難而親之是以春秋嘉之而

書字其然乎曰非也仲孫者孫氏以為天子之命大

夫也

書仲孫與文十五年宋華孫同昭四年傳云齊有仲孫之難而獲桓公蓋仲孫乃無知之後也

與臣弑其君凡在官者殺無赦而况受命專政之方

伯近在隣國者乎不去慶父魯難未已時事之情仲孫知之悉矣當勸桓公速出師以誅之則一舉而魯

國定矣救邢封衛之功當不能復偉於是舉矣計不出此而乃曰難不已將自斃君其待之使慶父稔惡
閔公再弑則斯言為之也故直書曰齊仲孫來交譏
之也崔甦曰齊桓之伯仗宋萬慶父之誅若討二賊則不待論而人紀明良心奮功近于伐楚矣夫知懷夷而忽于正中國知存亡而忽于存人心失本末矣

附錄左傳晉侯作二軍公將上軍太子申生將下軍

趙夙

趙衰兄

御戎畢萬

魏犇祖父

為右以滅耿滅霍滅魏

平陽

皮氏縣東南有取鄉宋安縣東北有霍太山三國皆姬姓還為太子城曲沃賜趙

夙取賜畢萬魏以為大夫士蒍曰太子不得立矣分

之都城而位以卿

位以卿謂將下軍

不如逃之無使罪至為

吳太伯不亦可乎猶有令名

有讓位之名

與其及也

勝於留而

及禍且諺曰心苟無瑕何恤乎無家天若祚太子其無

晉乎

二年春王正月齊人遷陽

杜氏曰陽國名齊人逼徙之

夏五月乙酉吉禘于莊公

胡傳程氏曰天子曰禘諸侯曰祫其禮皆合祭也禘者禘其所自出之帝為東向之尊其餘皆合食于前此之謂禘諸侯無所出之帝則止於太祖之廟合祧廟之主以食此之謂祫天子禘諸侯祫大夫享庶人薦上下之殺也魯諸侯何以有禘成王追念周公有大勲勞于天下賜魯公以天子禮樂使用諸太廟以祀周公魯于是乎有禘祭春秋之中所以言禘不言祫也然則可乎孔子曰魯之郊禘非禮也周公其衰

矣禘言吉者喪未三年行之太早也

何氏曰莊公薨至是適二十二年

月杜氏曰三年喪畢致新死者之主于廟廟之遠主當遷入祧固是大祭以審昭穆謂之禘莊公喪制

未闕而吉祭又不同于于莊公者方祀于寢非宮廟也

一舉而三失禮焉春秋之所謹也四時之祭有禘之

名蓋禮文交錯之失趙氏曰禘者帝王立始祖之

廟猶謂未盡其追遠尊先之義故又推尊始祖所出

之帝而追祀之以其祖配之者謂于始祖廟祭之而

便以始祖配祭也此祭不兼羣廟之主為其踈遠不

敢瀆也其年數或每年或數年未可知也然則春秋
書魯之禘何也曰成王追寵周公故也魯之用禘蓋
於周公廟而上及文王文王即周公之所出也故此
祭惟得於周公廟為之閔公時遂僭於莊公廟行之
以其不追配故直言莊公而不言莊宮明用其禮物
耳不追配文王也

若言吉禘于莊宮即似于莊廟祭及文王今既不爾故指言莊公以

明之也

李廉曰春秋書禘二此年及僖八年禘于太

廟皆失禮之中又失禮而書也吉禘之說三傳皆知

喪禘之失禮而不知魯本不當禘程氏胡氏能發明
魯禘之非禮而不知禘本無合食唯趙子得之 魏

子才曰大禘乃羣昭羣穆已毀未毀之廟皆升合食
於太祖禮盛而繁禘則上尊太祖之自出故配不及
羣廟禮大而簡特緣太祖起此義若又旁及羣廟則
瀆矣 趙氏曰問者曰左傳云烝嘗禘于廟何也答
曰此為見春秋經前後祭祀惟有此三種以為祭名
盡于此但據經文不識經意所以云爾又見經中禘

於莊公以為諸廟合行之故妄云禘于武宮僖宮襄宮皆妄引禘文而說祭耳問者曰若禘非時祭之名

則禮記諸篇所說其故何也

鄭特莊曰春禘而秋嘗祭統曰春禘夏禘王制

曰禘則不禘禘則不當嘗則不烝烝則不禘鄭玄云虞夏諸侯歲朝廢一時祭也略舉一二

曰禮

記諸篇或孔門之後未流弟子所撰或是漢初諸儒

私撰之以求購金皆約春秋為之見春秋禘于莊公

遂以為時祭之言見春秋惟兩度書禘一春一夏

閔

年五月吉禘于莊公今之三月僖八年七月禘于太廟今之五月也所以或謂之春祭

或謂之夏祭各自著書不相符會理可見也

按此胡氏所謂

四時之祭有禘之名乃禮文交錯之失者也

秋八月辛丑公薨

左傳初公傳奪卜齎

魯大夫

田公不禁秋八月辛丑共

仲使卜齎賤公于武闡

官中小門謂之闡

公羊傳公薨何

以不地隱之也何隱爾弑也孰殺之慶父也殺公子牙今將爾季子不免慶父弑二君何以不誅將而不免過惡也既而不可及緩追逸賊親親之道也今

按衛州吁弑君而石碯大義滅親文姜與弑桓公而國人絕不為親禮也孰為慶父弑二君而猶可以親親待之乎緩追逸賊親親之道也以論鄭莊公之於叔段可也季子之於慶父乃急緩縱賊大亂之道也

穀梁傳不地故也其不書葬不以討母葬子也

凡謂

君弑賊討則書葬哀姜實被討而不書葬者不以討母葬子

啖氏曰凡公葬皆

書惟隱公閔公不書者言賊不討如不葬然也公羊云君弑賊不討不書葬以為無臣子也穀梁傳君弑

賊不討不書葬以罪下也此說皆是也 今按閔公
再弑哀姜雖見討于齊魯之臣子竟何以自伸于大
義哉公羊所謂無臣子穀梁所謂以罪下者觀是亦
深切著明矣既云絕不為親又云不以討母葬子曲
說也啖子謂三傳所記本皆有所受為經生未學轉
以濫說附益其中非純是本說豈非此類之謂乎

觀慶父諡共而公孫傲為卿則慶父之誅亦不以賊
討矣夫哀姜誅于齊則請其喪以歸而葬以小君之

禮慶父縊于汶水之上則不以賊討而為之立後且
知必又納其喪矣魯人自如此其如彼何哉聖人不
書閔公之葬以見其賊之實未討于慶父書奔而不
志其死以見魯之不能以賊討使魯能討則當書刺
慶父以正討賊之法
喪歸削而不書不與穆伯同以見弑逆之賊生不
可立于天地之間死不可容于宗國之壤其絕之也
甚矣

九月夫人姜氏孫于邾

按文姜淫乎齊侯與弑桓公復孫于齊不去其姜氏
不足以見其罪哀姜通乎慶父與弑閔公乃孫于邾
雖不去其姜氏而絕之之義已著矣胡氏乃謂不去
姓氏降文姜也范氏謂文姜有殺夫之罪重哀姜有
殺子之罪輕此輕重之差其說皆非也哀姜之不奔
齊畏齊桓也君子誦其文則曰邾非姜之宗國也此
姜氏也胡邾之適乎

公子慶父出奔莒

左傳成季以僖公適邾

僖公閔公庶兄成風之子

共仲奔莒乃入

立之以賂求共仲于莒莒人歸之及密

魯地邾邪費縣北有密如

亭使公子魚

奚斯也

請不許哭而往共仲曰奚斯之聲

也乃縊閔公哀姜之姊叔姜之子也故齊人立之共

仲通于哀姜哀姜欲立之閔公之死也哀姜與知之

故孫于邾齊人取而殺之于夷

魯地

以其尸歸僖公請

而葬之

愚按書慶父出奔譏失賊也或言慶父巨

姦魯大夫而三十年執其兵柄其植根深矣其耳目

廣矣勢未易除而乃可以緩不討賊責魯人乎是殆不然慶父之強孰與衛之州吁州吁未能和其民石厚問定君於石碯石碯曰王覲為可莫若朝陳使請厚從州吁如陳石碯使告于陳而執之卒殺州吁君子曰石碯純臣也大義滅親使季友有石碯之志純以至公大義為心不分於市恩遠怨樹私家以立黨之念內因國人之忿外結伯主之盟明君父之讐以誅篡弑之賊宜若拉朽之易也而季友不然乃以賂

求于莒不許其入而已討賊之義黯闇委靡如此欲
逃失賊之責豈可得乎不惟是而已又立孟氏與叔
牙同使魯人謂弑君者不失為有後故異時東門遂
復踵其為亂臣賊子接迹而莫之創則誰為之哉胡
康侯舍見在之黨姦者不誅而追咎于莊公之忘親
釋怨使臣子則而象之以為常事則可謂迂矣

冬齊高子來盟

公羊傳高子者何齊大夫也何以不稱使我無君也

然則何以不名喜之也何喜爾正我也其正我奈何
莊公死子般弑閔公弑比三君死曠年無君設以齊
取魯魯不興師徒以言而已矣桓公使高子將南陽
之甲立僖公而城魯或曰自鹿門至于爭門者是也
或曰自爭門至于吏門者是也魯人至今以為美談
曰猶望高子也

久濶思相見者引此為
喻美談至今不絕也

愚按齊桓

因仲孫省難歸從其言專意於寧魯之難故繼使高
子來圖之立僖公而城魯如公羊所載蓋有所傳矣

或者泥魯可取乎及穀梁不以齊侯使高子之說乃
曲為之說美不歸於齊侯而歸於高子謂高子之來
也桓公之命必曰魯可取則兼其國以廣地魯可存
則平其亂以善鄰非有扶危繼絕一定不可易之計
也高子至則平魯難定僖公魯人賴焉故特稱高子
以著其善不曰齊侯使之者權在高子也斯論亦近
於舜文矣

十有二月狄入衛

左傳狄人伐衛懿公及狄人戰于熒澤衛師敗績遂

滅衛初惠公之即位也少齊人使昭伯

惠公庶兄公子頑也

烝

於宣姜不可

昭伯不可

強之生齊子戴公文公宋桓夫人

許穆夫人文公為衛之多患也先適齊及敗宋桓公

逆諸河

迎衛敗衆

宵濟衛之遺民男女七百有三十人益

之以共滕之民為五千人

共及滕衛別邑

立戴公以廬于曹

廬舍也曹衛下邑戴公名申其年卒而立文公許穆夫人賦載馳

詩載馳

齊侯

使公子無虧帥車三百乘甲士三千人以戍曹胡

傳衛康叔之後蓋北州大國狄何以能入乎臣昔嘗
謂河南劉奕曰史氏記繁而志寡如班固書載諸王
淫亂等事盡削之可也奕曰必若此言仲尼刪詩如
牆有茨鶉之奔奔桑中諸篇何以錄于國風而不削
乎臣不能答後以問延平楊時時曰此載衛為狄所
滅之因也故在定之方中之前因以是說考於歷代
凡淫亂者未有不致于殺身敗家而亡其國者也然
後知古詩垂戒之大而近世有獻議乞於經筵不以

國風進讀者殊失聖經之旨矣

鄭棄其師

左傳鄭人惡高克使帥師次于河上

高克鄭大夫

久而弗

召師潰而歸高克奔陳鄭人為之賦清人

胡傳人

君擅一國之名寵生殺予奪惟我所制使高克不臣之罪已著按而誅之可也情狀未明黜而退之可也愛惜其才以禮馭之亦可也烏可假以兵權委諸竟上坐視其離散而莫之恤乎春秋書曰鄭棄其師其

責之深矣 高克奔陳不書不足書也

附錄左傳晉侯使太子申生伐東山臯落氏

未狄別種也臯

落其氏族里克

晉大夫

諫曰太子奉冢

也

祀社稷之粢盛以

朝夕視君膳者也故曰冢子君行則守有守則從從

曰撫軍守曰監國古之制也夫帥師專行謀

帥師者必專謀

其軍事

誓軍旅

宣號令也

君與國政

正卿

之所圖也非太子之

事也師在制命而已

命將軍所制

稟命則不威專命則不

孝故君之嗣適不可以帥師且臣聞臯落氏將戰君

其舍之公曰寡人有子未知其誰立焉不對而退見

太子太子曰吾其廢乎對曰告之以臨民

謂居曲沃

教之

以軍旅

謂將下軍

不共是懼何故廢乎且子懼不孝無懼

弗得立修已而不責人則免於難

此下有太子帥師公衣之偏衣佩之

金玦一

後今刪

今按此舉也狐突梁餘子養先丹未皆勸申生逃難羊舌大夫勸其死之要之里克

之論

太子將戰狐突諫曰不可昔辛伯諗

音審音也

周桓

公曰內寵並后外寵二政嬖子配適大都耦國亂之

本也周公弗從故及於難今亂本成矣

指驪姬等

立可必

乎孝而安民于其國之

奉身為孝不戰為安民

與其危身以速

罪也

有功益見害也去則孝而安民留則危身召罪與其危身而召罪也豈若孝而安民乎勸使逃

也

成風聞成季之繇

繇直救反卜兆之占辭也

乃事之

成季之將生也

桓公使卜之曰男也其名曰友在公之右間于兩社為公室輔季氏亡則魯不昌又筮之遇大有之乾曰同復于父敬如君所而屬僖公焉故成季立之

僖之元年齊

桓公遷邢于夷儀二年封衛于楚丘邢遷如歸衛國

忘亡衛文公大布

粗布

之衣大帛

繹

之冠

蓋用諸侯諒闇之服

務

材訓農通商惠工敬教勸學授方任能

方百事之宜也

元年

草車三十乘季年乃三百乘



春秋輯傳卷四